



UNIVERSITÄTS-
BIBLIOTHEK
PADERBORN

**Cogitationes, Sive Considerationes Christianae Pro
singulis Anni diebus**

Complectens Januarium, Februarium, Martium

Nepveu, François

Monachii, 1709

Dies 9. De detractione.

[urn:nbn:de:hbz:466:1-60495](https://nbn-resolving.de/urn:nbn:de:hbz:466:1-60495)

Martius.

mo minus juris habet ad animi remissio-
nem, quām is, qui vitam in recreationibus
transfigit. Recreatio, quæ alijs innocens
oble&tatio est, ipsi dissolutio evadit.

*Si dæmon, mundus aut caro cuiusdam oble-
tationis, vel sceleratæ vel periculose illico te-
tentabunt; obtrude ipsis hoc sapientis responsum:
Tanti non emo pænitere.*

Quantum in delicijs fuit, tantum dace-
illi tormentorum. *Apoc. 18. v. 7.*

Habent voluptates in specie lenocinium,
in gustu venenum, quarum usus in crimi-
ne, pretium in morte numeratur. *Echer.*

DIES IX.

De Detractione.

I.

Detractio nihil in mundo communius
est: plurimis nihil hoc peccato le-
vius videtur: Verum non propterea minus
grave est. Appellatur festivus in jocando
lepos, amœna quælibet singendi ratio.
Sic homines hac de re sentiunt; non item
Deus. In quorum sententiam ire nos o-
portet? Potestne sine animi cæcitate leve
tensi peccatum, quod Cœlo nos exclu-
dit,

dit, quid virtutum pupillam, charitatem Martius.
videlicet, directè invadit; peccatum, quod
aufert honorem proximo, hoc est bonum,
quod omnes præhabere divitijs debent;
multique viri æquè prudentes, ac generosi
ipſi vitæ præferunt. Furtum, & homici-
dium peccata sunt levia, si detracțio grave
non est: cùm illa non raro minùs damni
afferant, quàm detracțio. S. Iacobus de-
tractionem vocat Universitatem iniquita-
tis, ut indicet, eum esse fontem infinito-
rum scelerum. An igitur ea peccatum le-
ve confenda?

II. Detracțio, inquit S. Bernardus, u-
no iictu tria infligit vulnera lethifera. Lethi-
ferè fauicat animā propriam, dum ei chari-
tatē, quæ animæ vita est, eripit; vulnerat il-
lū cuius famæ detrahit, dum ejus aestimatio-
nem violat, & forsan etiam charitatem au-
fert ob amarum animi sensum, quem is in-
de concipit. Vulnerat denique illum, qui
detrahentem audit, dum ei virus suum per
aures inspirat, sive flagitiij eum compli-
cem reddit, sive ob curiositatem, quam in
eo excitat, sive ob delectationem, quam is
inde haurit, sive ob ignaviam, qua is, qui
detractionem audit, detrahentem tolerat.
Spiritus sanctus linguam obtrectantem lin-
guæ serpantis comparat; cuius iictus vix

O 4

sen-

Martius.

sentitur, & tamen venenum suum ad eosque immittit. Quod subtilior est detrac-
tio, eò minus reum se homo credit, cùm
tamen reipsa magis reus sit. ánne sagitta,
quod acuta sit, minus est mortifera? an
non oleum, cuj ea intingitur læviganda, eam
ad vulnus infligendum aptiore reddit?
ánnne morsus serpentis sub floribus abscon-
diti minus est venenatus? ánnne venenum,
quod in dulci liquore sumendum nobis
propinatur, minus venenum est? an hæ
detractiones tanta dulcedine conditæ mi-
nus ad intima usque penetrant, minusque
mortiferæ sunt?

III. Detractio ignaviæ vitium est, quod
non nisi ab animabus effeminatis prodit.
Species quædam est truculentæ ex insidijs
cædis: cùm enim detractor hominem co-
ram aggredi vereatur, neque id tutò agere
possit, clam id agere cogitur: invadit pro-
in hominem ex insidijs nil minus sibi ti-
mentem; qui, cùm absens sit, nec se de-
fendere, nec ictus avertere ad se potest.
Quanta ignavia! Hæc eò turpior est, cùm
invadimus hominem, qui nobis nihil un-
quam fecit mali, nec vel leviter offendit.
Nunquam ferè mali quid facimus, nisi il-
lis, qui id nobis feceré. Atque tunc animi
commotio excusare nos videtur. At quam
ex-

excusationem asserre quis potest , qui ma- Martius
 lum infert alteri , à quo lœsus nunquam
 fuit , eumque velut ridente , & sereno vul-
 tu transfigit , nullo edito commotioris a-
 nimi signo . Ignaviæ non raro proditio-
 nem jungimus : blandimur ijs , quos ex in-
 fidijs interimere cupimus : laudibus extol-
 limus , quos linguis maledicis acerrimè
 transfodimus ; eorum vices dolemus , dum
 eos laceramus ; Laudamus denique , dum eo-
 rum famam minuimus . Obtrectationes
 nostras laudibus aut frigidis aut malignis
 condimus , quæ aliò non collimant ;
 quàm , ut detractio nostra probabilior e-
 vadat , & ictus , quem infigimus , minùs
 evitabilis fiat . Libera nos Domine ab his
 duplicitibus linguis .

Deplora cæcitatem , qua forsan hactenus
 laborâsti , dum obtrectationem rem levem esse
 judicâsti , & statue eam , ut peccatum gravissi-
 mum fugere .

Si mordeat serpens in silentio , nihil eo
 minùs habet , qui occulte detrahit . Eccli 10.
 v. 11.

Levis quidem res sermo , Leviter volat
 Leviter penetrat animum , sed non Levi-
 ter exit . Beru. serm. 17.